

IOANNIS BAPTISTAE PASSERI

PISAVREN. NOB. EVGVBINI

DE TRIBVS VASCVLIS ETRVSCIS


ENCAVSTICE PICTIS

A CLEMENTE XIII.

P. O. M.

IN MVSEVM VATICANVM INLATIS

DISSERTATIO.



Mauro Soderini Inu. et del.

Teodoro WerCruisse sculp

FLORENTIAE. MDCCLXXII.



In Typographia Moückiana. Cum adprobat.

RELIQUIAS. VETERVMQVE VIDES MONIMENTA VIRORVM.

Virg. Aeneid. lib. IIX. v. 356.

CLEMENTI . XIII

P. O. M.

ANTIQUARIAE . ERVDITIONIS . PROPAGATORI

EXIMIO

ABSOLVTISSIMAM . HANC . DISSERTATIONEM

CLARISS. PASSERII

DE . IMAGINIBVS . ET . SYMBOLIS

TRIVM . VASORVM . ETRVSCI . OPERIS

QVAE

PRINCIPIS . NOSTRI . SANCTISS. ET . SAPIENTISS.

LARGITATE

IN . VATICANVM . MVSEVM

A . SE . CVMVLATISSIME . DITATVM

INVECTA . FVERVNT

REGINALDVS . COMES . ANSIDAEVS . PATR. PERVS.

M. A. CARD. PRONEPOS

DEVOTVS . NOMINI . MAIESTATIQUE . EIVS

DEMISSISSIME

O

ARGUMENTVM

DISSERTATIONIS.

- I. *Vasa Etrusca antiquissima olim a Romanis presumdata ob invidiam libertatis seculo hoc innocentissimo Romam servanda confugiunt.*
- II. *Perusia feracissima Monumentorum Etruscorum, eorumque custos, & decus.*
- III. *Vasorum Etruscorum laus, & illorum Picturae mira industria, atque artificium.*
- IV. *Examinatur Pictura Vasis I. & refertur ad pompas nuptiales, in qua cernitur imago sponsae ad vivum expressae. Perpenditur ornatus capitis, nempe reticulus, eiusque ratio, & institutio antiquissima; item seni crines, quibus sponsae ornari solebant. Obiter quaeritur quis fuerit cultus capitis Virginum Etruscarum.*
- V. *Pictura Vasis II. pertinet ad collationem Togae virilis. Coeremoniae plures huius solemnitatis referuntur. Togae forma describitur, eiusque deferendae modus, & tempus, quo communius traderetur, nempe Saturnalibus Decembri, & Festis Bacchi Ianuario.*
- VI. *Tradita Adolescentibus Toga, Ramusculus felicitatis arboris conseri solebat Genio pueri sacer, multaque religione ali solebat. Praetexta a puero dimissa cum aurea Bulla Laribus domesticis dedicari solebat. Parentes monita civilis vitae*

natis, qui Togam acceperunt, ante Deos domesticos tradere consueverant. Tirones nuper Togae donati per annum numquam exerti incedere debebant ea penitus contecti.

VII. Exponitur Pictura III. Vasis eiusdem argumenti, ubi Genius Tyronis alatus palam interest sacris hac occasione sibi oblatis, hisque sibi litatum demonstrat.

PARERGON OPERIS.

Producitur Gemma Etrusci operis, in qua inter signa militaria circumfertur Thensa, nempe Deorum simulacra Cistae inclusa super Quadrigam deferenda in Circum, ubi spectacula celebranda sunt, & huius Cistae forma, & ratio describitur. Demum paucula adduntur de imaginibus aliarum Gemmarum, quae [amatoribus venerabilis, & semper honorandae Antiquitatis fortassis non iniucundae] nunc primum publici iuris fiunt.





C. Mariotti Perus. del.

F. Allegrini inci.

DISSERTATIO.



I.

PERIS antiquissimi
Vasa Etrusca graphi-
ce illius Nationis
mores exprimentia,
& in Agro Perusino (1)
quinto ab Vrbe lapide, eo in loco,
quem



C. M. Perus. del.

F. A. inci.

(1) Ager Perusinus, prae caeteris, antiquis Etrusco-
rum

quem MANDOLETVM appellant, circa
vigefimum huius feculi annum de-
fof-

rum monumentis redundat, quae identidem aetas pro-
fert in apricum. Seculo enim XVI. ad locum quarto ab
Urbe milliaro, qui *Pila* dicitur, effoffum fuit fimala-
crum aeneum viri togati, aliquem fortaffe ex Perufinis
Proceribus referens, qui de Republica optime meritus
fimalacrum aeneum fibi aliquo in loco publico erigen-
dum obtinuit. Hoc primus omnium evulgavit Ciattus
Minorita Conventualis Perufinus, cum in Paradoxo hac
de re edito, tum in Perufia Etrufca lib. I. & nos pauca
de eo delibavimus in Paralipomenis de Etruria Regali
Clariffimi Dempfteri; quodque, ut eruditi optime no-
runt, tunc acquifivit Cosmus I. Magnus Etruriae Dux,
& in Regium Mufaeum fuum invexit, tamquam peculia-
re ipfius ornamentum, in quo etiam adfervatur Chime-
ra in eodem feraci folo inventa, de qua doctiffimus Go-
rius in Tab. CLV. Tom. I. Mufei Etrufci, nosque in
iifdem Paralipomenis: ne quid dicamus de pulcherrimo
figno aeneo Pueri palmum excedenti dextero eius femore
Litteris Etrufcis infcripto, quod erutum fuit, ut lauda-
tus Ciattus fcripfit Lib. IV. Perufiae Etrufcae, anno
MDLXXXVII iuxta Lacum Traſimenum, Romanorum clade
celebrem, fibique poſtea temporis comparavit Dionyſius
Chriſpoltus Vir Patricius, atque poſt varios caſus pervenit
ad antiquiffimam Perufinam Gratianorum Familiam, quae
illud follicite, uti par eſt, cuſtodit in Muſeo domeſtico,
inter plures, neque obvias, neque vulgares florentiſſi-
mae Etrufcae Nationis reliquias; de quo Illuſtriſſimus
Fontaninus, Archiepiſcopus poſtea Ancyranus in *Anti-
quitatibus Hortae* Lib. I. cap. 7. ubi etiam eius imagi-
nem graphice ſcalptam producit; & nos pariter nonnulla
digeffimus in *Differtatione de Pueri Etrufci Aeneo ſimu-
lacro*

fossâ , ad sacrarium , & tutelam
 universae antiquitatis confugiunt
 sub auspicio CLEMENTIS XIII P. O. M.
 divinarum simul & humanarum
 scientiarum Amplificatoris, ut quae
 B olim

lacro &c. Typis Romanis recens evulgata . Corrigendus ta-
 men Fontaninus , qui hoc Gratianorum simulacrum inven-
 tum affirmat in loco , qui dicitur *Pila* juxta eundem La-
 cum , cum *Pila* procul maxime distet a Lacu , aliam oram
 versus Perusini Agri , quod probe nimis sciebat Ciattus , ut
 pote Perusinus , ut in hoc posset hallucinari , & ex quo hau-
 serat Fontaninus, quae de hoc Puero scripserat . Circa an-
 num MDCCL. repertum fuit sigillum aeneum , minus pal-
 mo , operis elegantia , & incolumitate sua prorsus singula-
 re , simulacrum *Spei* referens , atque characteribus Etruscis
 inter scapulas notatum , quod in ditissima Pinacotheca sua
 ad S. Erminum extra muros Perusiae modo servat Nobilis-
 simus Comes Ludovicus Oddus Patricius Perusinus , Am-
 plissimorum Cardinalium Jacobi Nepos , & Nicolai Ger-
 manus Frater . De hoc pariter (cujus iconem perbelle de-
 lineatam inter schedas , & diagrammata nostra sollicitè
 custodimus) Dissertationem , utcumque sit , texuimus ,
 quae aliquando forsitan vulgabitur . Plura in dies , ut ex
 relationibus amicorum identidem certioramur , ibi fortuito
 reperiuntur sigilla aenea , numismata , atque monumenta
 marmorea , ut plurimum Etrusci operis , inter glebas , &
 rudera , quae longum nimis esset recensere , quaeque nos
 consulto omittimus , ne limites simplici notae praefixos
 praetergressi fuisse videamur .

olim a Romanis pessumdari, veluti spolia ex hostibus, per iniuriam solebant, nunc inter mitissimi seculi studia in sacratissima illa totius generis humani arce, admirationi simul, & instructioni ultro oblata convenirent. Ab hac humanitate recesserat olim Iulius Caesar vivis pariter & mortuis infensus, de quo Svetonius in eius Vita cap. 81. *Cum in Colonia Capua deducti Lege Iulia Coloni ad extruendas villas sepulchra vetustissima dislicerent, idque eo studiosius facerent, quod aliquantum vasculorum operis antiqui scrutantes reperiiebant: Tabula aenea in Monumento, in quo dicebatur Capys conditor Capuae sepultus, inventa est, conscripta &c.* Id vero non sine iniuria Legum de sepulchris toleratum est, ut morum antiquorum memoria deleberetur, ne si perman-

fis-

sisset , antiquae libertatis recordatio excitaretur .

I I.

Perusia Monumentorum huiusmodi mater , atque per tot secula melioris fortunae anxia custos , una fuit ex xii. Etruriae Urbibus , quae in foedus arctissimum convenerant a prima usque origine ex quo *Cbittim* Noe nepos in hanc Italiae Insulam (ut Scriptura divina loquitur) progeniem suam collocavit . Hinc semper in divinis Litteris Italia nomen *Cbittim* obtinuit haud ambiguo documento primae originis , & conditoris ; pudet enim nos , qui Etrusci sumus , meque praesertim inter Volsinios , Tarquiniosque Farnesii natum , ori-

riginem a Celtis deducere , ut af-
 firmare non dubitavit ingeniosus
 quidam fomniator , quem nuper
 refellere coactus sum inter Ephe-
 merides Florentinas . Infitam ve-
 ro usque a prima origine liber-
 tatem foedere sociali Perusia ser-
 vavit illaefam usque ad execratas
Perusinas Aras , quam ignominiam
 male reparatam titulo *Augustae* vir-
 tus Populi bellica , & animi ma-
 gnitudo compensavit , potissime ve-
 ro litterarum splendor , quibus de-
 beo quaecumque illa fuerint tyro-
 cinia mea , atque progressus . Sed
 neque praetermittam Urbem hanc
 florentissimam devinxisse sibi eru-
 ditorum animos non modo ob stu-
 dium has antiquitatis reliquias col-
 ligendi , sed etiam illustrandi , in-
 ter

ter quos omnium primus Clarissimus Ciattus , qui cum vidisset supellectilem hanc toto fere orbe distrahi , in eius egregio opere. *De Perusia Etrusca* potissima Perusinarum monumenta typis evulgavit . His vero unice nocuit inanis illa tam remotae antiquitatis reverentia , qua ea numquam intelligi posse credebatur , quam nuper substulit si non felicior doctrina , maior tamen Mundi audacia ad mirificum festinantis , ne , quae imminens aetas deterior perditura est , penitus deperirent. Inter eos vero , qui huius studii primordia in magno illo litterarum emporio exceperunt , iure merito computamus MARCVM ANTONIVM ANSIDAEVM Cardinalem Amplissimum , & numquam

quam interituri nominis virum ,
 qui monumenta universa Patriae
 suae quotquot prodire , dum vi-
 xit , in auitum Museum inferen-
 da curavit , haud ignarus , futu-
 rum fuisse , ut quidquid praecla-
 rius emergeret e tenebris , fortu-
 nae aliquando Principis Urbis re-
 servaretur , haud indignum putans
 Viro Praefule in Etrusca eruditio-
 ne versari , cum plerique Ecclesiae
 Patres in eius Nationis Libris ,
 qui tunc extabant , curam suam
 impenderunt , ut vulgi errores ,
 qui tum irrepsierant , obelo censo-
 rio expungerent .

III.

Inter consultissima Etruscae in-
 dustriae opera computanda sunt va-
 sa .

fa fictilia encaustice picta , quae
 immortali quodam artificio semper-
 que vernante non mores tantum
 Etruscorum nobis obiiciunt , sed
 loquacissime interpretantur , ita ut
 pene Librorum illius Nationis ia-
 cturam compensent , totamque se-
 riem vitae eius Gentis , ac si prae-
 sens esset , exponant . Equidem nec
 Graeci , nec Romani tanto nos sub-
 sidio adiuverunt ambitione mar-
 morum , auri , & argenti exultan-
 tes , quo barbaros ab extremo Se-
 ptentrione ad rapinam accerferunt .
 Habuere haec imperia scriptores ,
 & historicos casus & prolapsionis
 suae , ex qua tamen nusquam sur-
 rectora erant ; at contra Etrusci
 obsequuti sunt figula , quorum sub-
 sidio reviviscerent , facillique tra-
 ctu

ctu penicilli festinantis ad aeternitatem gloriae reparandam, cui haec sphragismata commendabant, quibus nonnisi Romani Coloni apud Capuam nocuere, quandoque tamen desiderandis. Sed antequam singula perscrutemur operae pretium est artificium illorum, summasque leges attingere, quarum ductu in exercitio operum regerantur. Lex praecipua fuerat, ut Pictura nihil inane, aut frivolum exprimeret, sed tantum instrueret. Ab hoc instituto sese emanciparunt artifices orientales, quorum toreumata hodie in pretio sunt, quae nec suos erudiunt, nec externos; deterius vero si instruant, nec enim nisi otia illius Gentis referre callent, putidi fumi ex ore

re

re exhalati vapores iniuriosos , & caldae computationem , quae nimium inter nos diffusa inertem Italiam speciosissimis in tabernis deformavit . Unus hic Argillae splendor , quam murrheam vocat Propertius 4. 5. 26.

Murrbeaque in Parthis pocula cocta focis .
At pictura Etrusca totam nobis exponit mythologiam rebus Etruscis explicandis addictam , Heroicorum temporum exempla ad imitationem exposita ; hinc patet tota Ilias , hinc Vlyssis errores , & Thebana utraque historia plena portentis , atque formidine , quam ex Homero Statius noster sibi subripuit ; hinc pompae qua sacrae , qua civiles expressae sunt , quoque ordine ducerentur apparent , & digi-

gito designantur . Id praecipue praestat in Sacris Bacchicis , quae alioqui secreto exitiali obtenebrata a Pictoribus huius fycophantiae adversis liberaliter patefacta sunt . Altera demum lex Pictorum Etruscorum perennis fuit , ut historiae aut fabulae semper alluderent ad actionem , in quam Vasa parabantur , unde amplissima patebat via ad magnificentiam & admirationem conciliandam Deorum , & Heroum interventu , quo caeremoniae nobilitantur . In hoc vero Pictores Pifaurense duobus ab hinc seculis Etruscos imitati sunt , cum adhuc illorum exemplaria , quae Florentiam abiire , apud nos essent . Habeo enim apud me Crateres in usum puerperii concinnatos , in quo-

N.º I.



Vas Etrusca Altitudinis Palmorum duo Rom:

C. Mariotti Perus: del:

F. Allegrini inc:

N.º I.



Altera Facies Vasis.

C. Mariotti Perus: del:

F. Allegrini inc:

quorum uno Ledaë partus , in altero Alcmenae expressi sunt cum universo apparatu , quo utraque historia expressa est a Poetis . Caeterum iidem Pictores nostrates adeo tenaces fuerunt praescriptionis Etruscae , ut illorum Picturae totam fere habeant in Lancibus novi , & veteris Testamenti sacram historiam , insuper universam Romanam , & Ovidii Fabulas , quas honestus homo ignorare non potest , ne barbarus videatur .

I V.

Vasa , quae observanda proponimus , tria sunt , & mole , & incolumitate spectanda , & regio quocumque apparatu dignissima . Horum primum pertinet ad ritus
nu-

nuptiales , reliqua vero duo ad caeremonias , quae apud Etruscos primum , deinde apud Romanos peragi solebant , cum eorum filiis circa annum xvi. deposita Bulla aurea , ac veste praetexta , toga pura communis Civium tribuebatur adhibitis quibusdam ritibus . Id *sacrum Praetextatum* nuncupabant , de quo videndus Quintilianus , & qui de ritibus , & moribus Romanorum egerunt . Primum igitur Vas ad Nuptias puto referendum , nam multa in his pompis Vasa deferri consueverant , praesertim vero cum aqua & igne , mysticis elementis caloris , & humoris , quae ad generationem maxime conferre arbitrabantur . Haec vero Matrimonia hoc ritu celebrata sanctissima , &
in-

inviolabilia existimabantur , quapropter *puriter facere* censebantur , qui hoc ritu uxorem ducerent , ut colligitur ex Novio *Virgine praegnante* apud Nonium de *indiscretis adverbis* ;

Sequere me , puriter volo facias ,

Igni , atque aqua volo hunc accipere.

Deferebatur Cumerus , de quo Varro lib. 6. de Ling. Lat. *Dicitur in nuptiis Casmillus , qui Cumerum fert , in quo quod sit in ministerio plerique extrinsecus nectunt . Et Festus : Cumerum vocabant antiqui Vas quoddam , quod opertum in Nuptiis ferebant , in quo erant nubentis utensilia . Vasa praeterea omnia in usum mensae ore repando ad vina ex simpulis ministranda parabantur , quae omnia ornamentis aptissimis ope picturae concinnabantur , veluti*

luti magnificum illud Bononiae in aedibus excelsae Familiae Bentivolae , in quo raptus Leucippidarum a Dioscuris perpetratus expressus est . In his vero vasculis non semper historiae expressae sunt , praesertim festinantibus nuptiis , quin aliquando solum caput sponsae ad vivum efformatum observatur , ut in praesenti vase , & aliis , quae inter picturas Etruscas T. I. referendas curavimus . Nec praetereunda est altera coniectura , quod aliquando Familiae Etruscae melioris notae , quae Deorum inanum fabulas refellebant , hasce ineptias penitus evitarent ; certum est enim floruisse apud Etruscos scholam quandam electissimam Philosophiae , in qua reiecta Deorum

rum

rum pluralitate, ac ridiculis Theogoniis, iisque in plebeculam reiectis, docebatur unum omnino esse Deum conditorem omnium, atque custodem, aeternumque maiorum vindicem, & bonorum remuneratorem, ut Tom. II. Picturarum ostendi peculiari Dissertatione *De Arcana Etruscorum Philosophia*. Hae vero sponfarum imagines, quarum unam hic expressam producimus, luculentissimo cultu apparari solebant, praesertim vero margaritis supra frontem instar radiorum eminentium, non ambiguo testimonio profapiae splendidissimae; aliquando vero minori fastu pro variis singulorum populorum institutis. In hoc uno tamen consensere matronae universae, ut more maiorum

totum capillitium reticulo include-
rent , & occurrentibus invicem fa-
sciis , supra frontem constringe-
rent . Varro de Lin. Lat. *Quod ca-
pillum contineret dictum a rete reticulum ; &*
Nonius : *Reticulum tegmen capitis muliebre .*
Id vero gestamen a Religione pro-
fectum est , eo namque & Vesta-
les , & Bacchae utebantur . Quin-
immo Matronae haec reticula ve-
lut gratissima Diis , & Deabus vo-
tiva offerebant . Idem Varro in Sef-
quiulifis . apud Nonium cap. de gen.
Vest. v. Strophium : *Suspendit Laribus
marinas molles , pilas , reticula , ac strophia .*
Nec mirum , cum enim Matres
familias , veluti Sacerdotes apud
domesticos Deos , & sacra privata
censerentur , quibus interdum sine
stola , seu pallio superiore caere-
mo-

monias obire contingeret , ne nudo capite litarent , placuit hoc reticulo semper paratas esse , & promptas sacrificio . Caeterum inducto urbanis moribus hoc cultu capitis , nihil obstabat , quin etiam Matronae , quae a Deorum inanum honore alienae erant , eodem ornatu uterentur , nam veteres feminae a novitate maxime abhorrebant , ut ornatum quem a maioribus aliquando exceperant mordicus retinerent . In hoc vero semper laudavi Alexandri Severi sanctionem , quam refert Lampridius : *Matronas regias contentas esse debere uno reticulo , atque inauribus , & bacchato monili , & corona , cum qua sacrificium facerent , & uno pallio auro consperso , & cyclade , quae sex unciiis auri plus non haberent .* Ex capillis

D

vero

vero reticulo inclusis circa utramque auriculam tres cirri diffuebant , ut in caeteris omnibus Picturis , & praecipue in hac praesenti observamus , quod quidem senis crinibus ornari dicebatur . Ita Festus : *Senis crinibus nubentes ornantur , quod is ornatus vetustissimus fuit ; & quidem quod eo Vestales Virgines ornentur , quarum castitatem viris suis spondeant .* De virginibus , an passis , seu colligatis crinibus uterentur , nihil adhuc compertum habeo . Vidi equidem sigilla Virginum votiva passis post terga capillis efformata , ut apud Bonarotum *de Nummis Carpineis* , Goriium *Musei Etrusci Tom. II.* inter Picturas Etruscas , quas retuli in *Prolegomenis ad Tractatum* Ioannis Baptistae Donii *de Lyra Barberina* , ac *Musica Ve-*

Veterum, ac recensui in T. Cl. *Picturarum Etruscarum* Tom. II. Habeo etiam huiuscemodi *Icunculas aereas* apud me. Ast hic cultus erat *Mulierum vota concipientium*, & *puerperarum*, quae ideo *crines effundebant*, ne quid *ligatum haberent in toto corpore*, quod *universum Numinibus addictum esse reputabant*, ut late demonstravi ad T. LII. & LIX. earumdem *Picturarum*. Notandum praeterea est huiusmodi *figilla sinistra manu tunicam attollere more gradientium*, quod *simulacro Spei* plerumque *tribuitur*; sed magna oritur mihi *suspicio* apud *Etruscos* sub hac *imagine Deam Iuventam fuisse expressam*, eamque *unam eandemque esse cum Spe*, quod *Iuventus plerumque plena spei videatur*.

V.

Gemina Vasa sequentia , ut supra innuimus *ad Sacrum praetextatum* pertinent , quo adolescentes deposita Praetexta Togam puram , & candidam assumebant , de quo Quintilianus laudatus , & qui de re vestiaria. Et primo quidem pueris cum ad annum xvi. pervenissent (nam eo usque Toga utebantur praetexta purpura , & Bulla aurea) virilis Toga pura & candida sumenda erat . Tunc vero praemissis quibusdam caeremoniis , in quibus potissimam partem Religio sibi usurpabat , illis primo detondebatur coma , quam prolixam prius deferebant , ex qua *capillati* dicebantur . Exinde usque ad
hu-



Vas Etruscum Altitudinis unius Palmi Rom:

C. Mariotti Perus; del:

F. Allegrini inci:

humeros protrahi ex veteri instituto non licebat. Praemittebantur Balnea sacra, non tantum ad nitorem corporis, sed ex Religione quadam vehementi, ex qua putabant aquam tot Deorum habitaculum virtute maxima pollere culparum omnium abluendarum ad novam vitam sanctius instituendam. Id satis superque colligitur ex Picturis Tom. I. in quibus haec lavacra, & forma Fontium frequenter apparet. Iterum de illa incidet sermo infra in calce huius Dissertationis, & in notis ad Gemmam Parergi II. Quas vero quantasque virtutes hisce ablutionibus adstruerent veteres; passim ubique adnotavimus, praesertim vero eiusdem Operis Tom. III. qui sub prae-

lo

lo est , ubi Picturas sepulcrales digessimus . Interim Bulla aurea , & Praetexta Puero detracta est in orbem per cingulum decussatum constricta , veluti emerita Diis domesticis offerebatur . Prop. 4. 1. 132.

Mox ubi Bulla rudi demissa est aurea collo

Matris, & ante Deos libera sumpta Toga.

Hinc primum Tunica nova sine manicis tribuebatur Iuveni , insuper vero Toga candida eidem circumponebatur ex lana , commune Etruscorum operimentum . Huius forma simplicissima fuit , pannus nempe quadratus latitudinis humanae staturae , duplae vero longitudinis , qui in rhombum protractus , ut geminos angulos acutos efformaret , unus ex his imponebatur antrosum humero sinistro . Reliqua

qua pars reflexa circa terga colligebatur super humerum dexterum, vel subtus brachium cum exerti incederent. Reliquum Togae pectus, & ventrem tegebat, iterumque angulus extremus acutus reiciebatur supra latus sinistrum fibula confirmatum ne diffunderet. Ars vero, qua circa pectus disponebatur, studiosissima erat, ut magnificos quosdam sinus efformaret, quo indumento nihil grandius, aut augustius unquam inventum est, atque aptius sculpturae. Hoc habitu Tyrones (nam hoc nomine per integrum annum vocabantur novelli Togati) sub gravi aliquo custode primo procedebant in forum, seseque Populo ostendebant; brachium tamen dexterum modestiae cau-

causa exerere e Toga eis non licebat , sed inclusum sub Toga ferre debebant , ut notat Cicero pro Caelio : *Nobis quidem annus erat unus ad cobibendum brachium Togae institutum , ut exercitatione ludoque campestri tunicati uteremur .* Hinc passim videas in nostris Picturis Tyrones hosce Toga penitus ad os usque involutos . Potissimis vero honoribus celebritas ista colebatur , tum privatorum exultatione , cum etiam publica religione , nam licet quovis tempore & die , dummodo non nefasto , Toga tribui posset , invaluit tamen mos , ut Decembri inter Saturnalia , ut refert Macrobius , aut Ianuario dum Liberi Patris festa agerentur , ut testatur Ovidius , solemnissimis tunc diebus , & laetitia



Altera Facies Vasis.

C. Mariotti Perus: del:

F. Allegrini inc:

tia redundantibus , communiter
Toga traderetur . Ita ipse Fasto-
rum 3.

*Restat ut inveniam quare Toga libera detur
Luciferis pueris candidi Bacche tuo .*

V I.

Vides igitur in Tab II. ge-
minas Matronas sacrum aliquod
perficientes supra ramusculum vi-
tis humi depactum , & virescen-
tem , quarum una nescio quid ,
fortasse thus , aut aliquid aliud re-
dolens spargit supra viticulam Ge-
nio pueri sacram . Solebant enim
Etrusci , deinde & Romani , die-
bus quibusdam auspicatissimis, spon-
salium nempe , natalium , & cum
Togam traderent natis , turculum
aliquem felicitis arboris humi con-
se-

ferere , sacrum Genio infantis ,
aut adolescentis , illumque diligen-
ter enutrire , & fovere , veluti se-
dem ipsius Genii , ut si stirps ista
viridis cresceret , spem optimam
de filio conciperent . Huius insti-
tuti frequentiam testantur exem-
pla obvia in nostris picturis ; con-
firmat vero Donatus in vita Vir-
gilii , referens in illius Vatis nati-
vitate morem hunc fuisse serva-
tum : *Siquidem virga populea more Regio-
nis in puerperiis eodem statim loco depacta ,
ita brevi coaluit , ut multo ante satas popu-
los adaequarit : quae arbor Virgilii ex eo di-
cta , atque consecrata est , summa gravidarum
& foetarum religione , suscipientium ibi , &
solventium vota . Nec mirum , cum
Mantuani soboles Tuscorum es-
sent . Supra arbusculum sacram*
glo-

globus cernitur , nempe praetexta Diis domesticis dedicata , mulier vero administra arculam sustinet , unde vel nova Toga detracta est , vel in qua praetexta est recondenda . Loculi vero , ubi Dii familiares servabantur , plerumque rotundi erant in pariete , ut circularis figura coelum imitaretur . In adversa parte huius Picturae , caeremonia iam exacta , Paterfamilias Tyronem suum ante aram Deorum familiarium alloquitur , & praeceptis civilis vitae sedulo informat , ut frequenter alibi cernitur . Idem parens de more baculo innititur , ut fere semper observatur , nam in Saturnalibus ex vetere instituto id gestamen deferrebant , ut refert citatus Macrobius :

bis ; nec dubito quin id etiam usurpatum fuerit in festis Bacchi, nam saepe animadverti virgas hasce frondentes apparere, ut ex recenti vite relictissae videantur.

V I I.

Ad idem sacrum pertinet Pictura Vasis tertii, nec a prioribus admodum differt. In prima fronte Materfamilias circa cultum alterius arbusculae versatur, & libamina quaedam in illius verticem spargit, & quodammodo consecrat, five dedicat Genio Tyronis sui. Notandum in hoc etiam schemate Matremfamilias libare nuda manu, absque Patera, nam tribus tantum digitis thura infundebantur, five id fieret in foco, five ubivis
opor-



Vas Etruscuſ Altitudinis Palmorum duo Rom:

C. Mariotti Perus: del:

F. Allegrini inci:



Altera Facies Vasis.

C. Mariotti Perus: del:

F. Allegrini inci:

oporteret. Ovid. Fastor. 2.

Et digitis tria thura tribus sub limine ponit.

Hic pariter suspensus conspicitur
globus praetextae. Rosa insuper,
& geminae vittae, quarum usus
maximus fuit in sacris arboribus,
quae vittatae fere semper nuncu-
pantur. Symmachus:

Et quae fumificas arbor vittatae lucernas

Sustinuit, cadit ultrici recisa securi.

Loquitur enim de Lucis sacris,
in quibus arbores universae reli-
giosae erant. Alterum vero Vasis
latus mysticum aliquid spirat, Ge-
nio ipso tamquam huic operi in-
ter sit palam inducto, quod solemne
erat Etruscis Pictoribus, qui acti-
bus humanis divina saepe intermi-
scebant. Stat Mater innixa crate-
ri, quo in balneo usa est ad fi-
lium

lium abluendum , cuiusmodi plura vidimus inter Picturas hasce Lib. 1. & 2. Nec temere suspicor Matrem in hac Pictura ostentare ipsi Genio praesenti labrum , ex quo lotus filius , veluti novus homo profilierat . Illa etiam tamquam praesente Numine flabellum faciei anteponit ex quodam veluti obsequio ; timor enim invaluerat mortem illi imminere , qui oculos in Deos intenderet. Formam eandem saepe videas in nostra Collectione . Arborem quoque sinistra manu constringit , illam fortasse usque a pueri nativitate consitam , eidemque Genio sacram , & annuo cultu prosequutam , quae deinde instaurata solemnitatem praetermitti non poterat , Interim Genius ipse con-

conspicuus , & aliger peplo suo
insidens , & pateram ultro porri-
gens sacra sibi oblata excipere , &
rata habere confirmat . Sub latere
ipsius cymbalum conspicitur laeti-
tiae instrumentum , & Baccho gra-
tissimum , non dissimulans quo fe-
sto , quove tempore solemnitatis ista
celebretur .

Haec omnia Perusinis Proce-
ribus eo libentius commemoran-
da duxi , ut post tot saecula mo-
res suos patrios recognoscant , vi-
deantque simul quo studio , & cu-
ra filios suos educarent , quos in
imperium Patriae , & in exem-
plum clarissimi Populi enutrent.

V I I I.

PARERGON OPUSCVLI.

Exposito mihi veteri Iaspide viridi, quem ego Etrusci operis esse puto, a Religioso eruditoque viro D. Francisco Maria Galassio Bononienfi, celeberrimae, & antiquissimae Ecclesiae S. Constantii apud Perusiam Priori O. S. B. Congregationis Cassinensis asservato, ob singularitatem argumenti supprimendum esse non censui. Exhibet hic lapillus Thenfam, sive vehiculum sacrum, quo Deorum simulacra in publica spectacula deferrebantur, ut ludos, qui in illorum honorem celebrari solebant, praesentes e pulvinari conspicerent. Id ubique per singulas

Vr-

Urbes moribus inductum erat ,
 nec dubito quin etiam Perusiae
 id fieri consuevisset , quae una E-
 truscae communionis praecipua ha-
 bebatur ; quamquam , ubi melior
 Philosophia coleretur , ludicra haec
 inter popularia festa censebantur
 in gratiam vulgi , & Sacerdotum
 hariolorum tolerata . Rem Etru-
 scam hic agi manifeste ostendunt
 signa duo militaria , quae primum
 nobis patuere ex Tab. CLXXXI. Pi-
 ctur. Etrusc. Tom. II. praelonga
 nempe hastilia Aquilis desuper in-
 cumbentibus , veluti in nidulo ,
 quas deinde Romani extollere in-
 stituerunt , unde colligimus apud
 Etruscos obsequia militaria cum
 Religionis officiis coniungi con-
 sueville .

Defertur in carpento Cista quaedam conicae figurae, instar pineae. Gorius noster in Tab. CLXX. Musei Etrusci frontem Urnae exhibuit, in qua expiatio quaedam refertur circa facellum, in quo similis pinea loco Numinis veneratur, origo serpente circumfusa, unde patet ad occultas Bacchi caeremonias pertinere. Nec defunt in T. III. Pictur. Etrusc. exempla manifesta, unde eruitur Cistam Bacchi cultum aliquando ipsius Numinis usurpasse, in qua, ut refert D. Clemens Alexandrinus Admonitionum ad Gentes lib. I., pinea cum serpente custodiebatur. Opinor tamen Cistam hanc, quae circumfertur in Thenfa, nil praesferre nisi custodiam simulacrorum Deorum

rum

rum omnium , quae deferiebantur in circum . Festus : *Thensam* , ait , vocari *Sisinius* capite *vehiculum* , quo *exuviae* Deorum ludicris *Circensibus* in circum ad pulvinar *vehuntur* . Vae tamen si perperam locatae fuissent huiusmodi Deorum imagines , ut aliqua earum subverteretur , quod ominosissimum reputari solebat , veluti si pompam illam Dii repudiassent .

At longe deterius putabatur , si quis ex eminenti loco , quo ordine simulacra disposita essent , prospexisset . Id colligimus ex Macrobio in 1. Saturnalium cap. 6. Verrius Flaccus ait : *Cum Populus Romanus pestilentia laboraret* , essetque responsum id accidere , quod Dii despicerentur , anxiam Urbem fuisse , quia non intelligeretur oraculum , evenisseque , ut *Circensium* die puer de coena-

culo pompam superne dispiceret , & patri referret quo ordine secreta sacrorum in arca pilenti composita vidisset , qui cum rem gestam Senatui nunciasset , placuisse velari loca ea , qua pompa veberetur , atque ita peste sedata puerum , qui ambiguitatem sortis absolverat , Togae , & praetextae usum munus impetravisse . Quia vero institutum velandae viae Rempublicam nimis gravabat , usus inolevit , ut Carpentum regetur velis , atque repagulis , quorum exempla aliqua in nummis conspiciamus . Nil igitur mirum Etruscos etiam antiquitus inclusisse Deorum exuvias in Cista probe contecta , forsan etiam ex virgulis pretiosioribus texta , ne mysteria haec tunc temporis veneranda oculis vulgi obiicerentur , & aperta procederent . Ad hanc autem

tem

rem disciplinam referendam puto thecam hanc teretem , quam curriculo impositam inter signa militaria circumferri in hac Quadriga conspicio .

Quia vero in hoc schediasmate saepe incidit sermo de lavacris , & balneis , quae praemittentur ante traditionem Togae , & solemnitatem nuptiarum , placuit in littera initiali huius opusculi alterum parergon inferere expressum ex Gemma Gamelia , apud eundem clarissimum amicum nostrum Galassium , eamque egregii operis , in qua Crater lavacri conspicitur adstantibus hinc inde lotricibus , seu ancillis balneariis , quarum una frigidam suffundit , altera aquam tentat , utrum impu-
ne

ne adhiberi possit ; de quo officio videsis quae carpsit Claudianus contra Eutropium Lib. I. vers. 105. In meditullio fontis apparet fortasse vas inversum, ex quo calida in craterem effluxit, nisi globosa spongia sit una cum strigile manubriato, quibus pueri, vel spon-sae se se distringeabant, & purgabant, quemadmodum in celebratissima Pictura antiqua, quam ab Hortis, in quibus servatur, Aldrobandiniam appellant, perspicere potest.

Plura humanae vitae officia, quibus Etrusci nostri aetatem suam veluti per sectiones dividebant, contemplati sumus adumbrata in tribus hisce valculis, & veluti universae vitae epilogum exposuimus.

mus , ut munus Maximo , ac Sapiientissimo Principi reservatum compendariis lineamentis institutionem universam cultissimae illius Nationis exhiberet . Ast unum defuit , idque potissimum , Mors , quam magnificentissime per allegorias significatam , in tertio Picturarum Etruscarum Volumine brevi prodituro publicae luci exponemus . Praecedat nunc grande hoc argumentum Gemma elegantissima , quam mecum communicavit supra laudatus D. Franciscus amicus noster candidissimus , praeseferens emblemata Etruscae originis , Genium nempe hominis comitem , quem defunctum deflet inversa facie super urnulam cinerariam , veluti fulcens universo officio tibi

com-

commisso , neque iterum resum-
pturus . Eius munus ita describit
D. Augustinus *De Civit. Dei* Lib. vii.
cap. 13. *Quid est Genius ? Deus est , qui
praepositus est , ac vim habet omnium rerum
gignendarum . Et Servius in vi. Aeneid.
ver. 743. Cum nascimur duos genios sor-
timur , unus est , qui hortatur ad bona , alter
qui depravat ad mala . Ethnici vero fa-
bularum fabricatores , qui rectas
quascumque traditiones deturpa-
bant , Genios Deorum filios reputabant ,
ut constat ex Festo . Deteriora au-
tem sunt , quae de illis legimus
apud Iamblicum de Mysteriis . In-
valuit certe apud Etruscos , & mul-
to frequentius apud Romanos con-
suetudo , ut Genius mortuorum
Vrnis insculperent moerentes in-
versa ad humum face , ut notavit
do-*

doctissimus Bonada illustrator *Carminum ex antiquis lapidibus* Dissertatione VI. pag. 23. *Vitam hominis denotat elata fax , inversa mortem . Cum vero Etrusci per symbolum facis vitam humanam retulerint , suggerit nobis Fabula Promethei , qui fictis ex luto hominibus non alio subsidio vitam illis inspiravit , quam accensa face ad flagrantem Solis flammam , eaque homines inflammasse . Horat. Car. 1. Od. 3.*

Audax Iapeti genus

Ignem fraude mala gentibus intulit :

Post ignem aetheria domo

Subductum

Quam quidem Fabulam cum Etrusci imbibissent, ut ex illorum monumentis sepulcralibus evincitur, hinc facem istam Prometheam ve-

luti symbolum humanae vitae usurparunt , ut elata , & depressa utrumque statum vitae , & mortis significarent , praesertim vero , cum non modo inclinata , sed admota cineri extinguitur .

Altera etiam subest ratio cur cadaverum reliquiis admoveretur , ea nempe potissimum , qua cadavera rogo iniecta comburebantur ; Putabant enim vi ignis reliquias scelerum , immo & humanitatem nostram penitus repurgari , quapropter Virgilius inter purgationes animarum flammam etiam recensuit , ut Aeneid. vi. ver. 740.

aliae panduntur inanes

*Suspensae ad ventos , aliis sub gurgite vasto
Infectum eluitur scelus , aut exuritur igni .*

Quisque suos patimur Manes .

Sicut

Sicut Hercules Oeteus se se in ardentem iniecit pyram , ut exusto eo , quod matris erat , omnino Deus profiliret . Ovid. Metam. ix. in fin.

Frequentissimus proinde fuit hic typus in gemmis praesertim sepulcralibus ; cum enim Collectionem illam ingentem *Gemmarum lectissimarum* iam publicae luci praeparatam ordinarem , vidi saepius Genios adstantes Urnulae emortuali face admota comburere defunctorum spolia derelicta , & praesertim larvas comicas scenicorum , in quibus sine dubio multum quod purgaretur remanebat : quo suspicio haec mea validissime confirmatur .

Ne

Ne quid autem superfit, cum Parergon praefixum fronti huius opellae, quae iam sub praelo erat, mihi obiectum fuerit, quod ab aliquibus Sinense quoddam Idolum fuit existimatum, ut quod sentio libere proferam, Aegyptium Deum imaguncula libenter agnosco, & fortassis ex eorum numero, qui Apotropei, & Avertenci, & malorum depulsores sunt appellati. Alii Genium Polymorphum vocarent bacilla manibus tenentem. Causaeus non absimilem utraque manu gladio armatum descripsit *Mus. Rom. sect. 2.*; ita in malos Daemones, noxiosque Genios imperium, ac potestatem indigetum Deorum significabant. Sunt & ignotae,

tae , aut etiam mente conce-
 prae litterae in hoc sigillo delinea-
 tae , seu exalptae , quas tamen
 iis , qui circa haec operam , ut ar-
 bitror , ludunt , interpretandas re-
 linquimus . Porro quid sibi velint
 tam lucerna , quam framea post
 Idolum huiusmodi collocata , alii
 divinent , cum iam dicta , ut-
 cumque sint , pro huiusce signi ex-
 planatione satis , superque suffi-
 ciant .

Caeterum tam in explicatione
 Picturarum Etruscorum Vasorum ,
 quam in illustratione parergorum
 sententiam meam protuli , dubia
 nonnisi per coniecturas explicando ,
 obscuriora felicioribus ingeniis re-
 servans , meliora in omnibus ,
 quum

⌘ (LIV.) ⌘

quum producantur , libentissime
suscepturus.

F I N I S .



C. Mariotti Perus. del. :

F. Allegrini inci. :

*Praecipua menda , quae irrepsērunt
sic corriguntor .*



<i>Pagina</i>	<i>Linea</i>	<i>Error</i>	<i>Correctio</i>
XXIII	3	relectis	rejectis
ibid.	6	majorum	malorum
XXVIII	1	Cl.	CI.
XXX	3	est	et
XXXII	4	candidi Bacche tuo	candide Bacche tuis
LII	1	autem superfit	autem desideran- dum superfit
ibid.	8	Deum imagun- cula	Deum in hac imaguncula

*Minoris momenti errata Lector eruditus aequae at-
que benevolus parvi pendere obtestator .*

JAL 93-B
5888

